

2857

LITURGICI.

2858

tantum annorum, sed et Episcoporum numero laborare. Erroree tamen ibi in primo Exemplo legitur *sanguinis* pro *sagiminis*, quod in altero p. 58. rite cautum fuit.

DCCXC.

370 Codex membraneus lat. Sec. XIII. Folior. 188. f. nitidissime scriptus, rubricisque enotatus hac inscriptione gaudet: *Prologus sequentis opusculi de diuinis officiis per circulum anni*. Initium est: *Ea quæ per circulum anni ordine constituto in diuinis aguntur officiis &c.* Tractatus hic ad Rupertum Abb. Tuitiensem O. S. B. clarum Sec. XII. Scriptorem pertinet, a quo missum Exemplar ad Canonem Ep. Ratisbon. opinatur se vidisse inter S. Emmerami Codices Cl. Bern. Pezsius T. I. *Tbes. Anecd. Dissert. Isagog.* p. 39. Abest a *Nostro* praeuia ad Canonem *Epistola*, quae tamen habetur Tractatui praefixa in edit. *Opp. Ruperti Veneta 1751.* T. IV. p. 3. Liber I. ita incipit: *Septem canonicas horas diei non licet a quoquam &c.* A Libro VIII. neglexit Scriba novorum Librorum notare initia. Integrum tamen decurrit Opus usque ad ultimum L. XII. Caput de *Nocturnis Lectionibus a mense Septembri*, quod excidit, Codice in haec verba desinente: *tanto difficilior uictoria*, quae Caput penult. in Editis terminant. Lectionis ab his discrepantia exigua est. Ita in *Praef.* nonnisi *terra purgata pro purpura-*

Denis Codd. Theol. V. I. P. III.

ta habetur. Sed luculentior in Edit. error sub finem L. VI. c. 36. p. 81. *jam dictum est pro dicendum est.*

In fronte Cod. legitur: *Iste liber pertinet monasterio beate marie magdalene in franckentall inter spiram et wormaciam canonicorum regularium ordinis sancti augustini episcopi et doctoris. Addidit alius. Dono datus mihi hic liber a curatore presente priore quia in eadem libraria aliud exemplar habebant.*

DCCXCI.

Codex membraneus lat. Sec. 386 XII. Folior. 101. 4. probe scriptus et rubricis distinctus *Liturgicus* est, cujus titulus ex his *Prologi* verbis innotescit: *Ob hanc causam libellum de diuinis officiis ut iussistis edidi. cui nomen gemma anime indidi. quia uidelicet ueluti aurum gemma ornatur. sic anima diuino officio decoratur.* Autor, qui hic tacetur, est *Honorius Presb. Augustodunensis*, qui non, ut in *Fabric. Bibl. med. Lat.* circa an. 1300. sed in confinio Sec. XI. et XII. floruit, et non raro *Solitarii*, quin *Inclusi* nomine venit. Opus nostrum, quod post iteratas Editiones receptum est in *PP. Bibliothecas*, et in *Lugd. T. XX.* p. 1046. legitur, incipit ab *Epistola Solitariorum*, qua hunc laborem a *Solitario* expetunt, ejusque *Respons.* *Agmen in Castris eterni Regis exubans &c.* et: *Postquam christo fauente pelagus scripture prospero cursu in summa totius transcucurri &c.* Ad quae verba obser-

2859

C O D I C E S

2860

obseruo, videri *Honorium* faltem *cursorie* in tota *Biblia* commentatum fuisse, cum tamen hodie *Egmontiana* ejus nonnisi in *Hexameron*, in *Psalms*, in *Cantica*, in *Proverbia* et *Ecclesiasten* nota sint. *Epistolas* sequitur *Prologus*: *Plerosque uesania captos piget* &c. *Index Capitum* nobis nullus, neque *divisio* in *Libros* IV. sed in II. quorum posterior orditur a C. *De Horis*. *Finis totius Operis*: ut

cum *ianua tardantibus obcludatur ipse uestris nuptiis interesse mereatur*. *Adi et Cod. CCCXXVI*. *Adhaerent continuo eadem manu exaratae Solutiones III*. *Quaestionum*, videlicet: *Qui sint dies temporalitatis et eternitatis*. *Cur apostolus vocat dies malos*. *Cum omnes dies domini sint, cur dies iudicii proprie dies domini dicatur*. *Nihil haec pertinere ad Gemmam Animae*, quivis videt. *His subscriptum*:

*Sueui scriptura poscas michi cœlica
Qui legis hæc plura dum non queram mibi iura.
Hi michi sanctorum loca contingant animarum.*

Praeterea Fol. 1. p. 1. exhibetur manu Sec. XV. Bulla Bonifacii VIII. data anno CCC. de Iubilæo singulis 100. annis celebrando, quae incipit: Ad certitudinem presentium et memoriam futurorum &c.

DCCXCII.

377 Codex membraneus lat. Sec. XI. non nisi 6. nunc Folior. f. quod dolendum, pereleganter exaratus Fragmentum continet *Libri de divinis Officiis*, olim ab *Hittorio* sub *Fl. Alcuini* nomine *Colon. 1568. c.* aliis ejusd. argumenti p. 37. editi, sed jam ab *Andr. Quercetano* in edit. *Opp. Alcuini Paris. 1617. f.* dubio notati, et nunc in edit. *Ratisbon. 1777. T. II. P. 6. p. 461. e* rationibus in *Monito praevio* adductis merito inter *Supposita* rejeçti. Inchoat Fragmentum istud ab his C. 39. verbis: *presentem uitam designat in qua su-*

perfluos humores patimur. Casula que super omnia indumenta ponitur &c. et definit in his C. 40. *Suscipit interim sacerdos a populo oblata. ut ipse qui est inter deum et ipsum* — —. Contuli partem priorem hujus *Fragmenti* cum edit. *Ratisbon.* in qua rescribendum bis *Cereostata* (*Candelabra*) pro *Cereostrata*. Item: *Hec iubilatio — tempus significat quando non erit pro non erat*. Denique in fine hujus *Cap. 39.* adtexit *Notter: Offertorium uir erat in terra* (*Hus*). *Verba ista istorici continentur in offertorio. uerba iob egroti. et dolentis continentur in uersibus. Egrotus. cuius anhelitus non est sanus. neque fortis. solet uerba imperfecta sepius repetere. Officii auctor. ut affectant (affectanter?) nobis ad memoriam reduceret egrotantem iob. repetit sepius uerba more egroti. In offertorio ut dixi non sunt uerba repetita. quia istoricus scribens historiam non egrotabat.* Atque